

# AMALA

Ulo ekh raklo, ekh chhavo. Hay, tsidindyas te lel i thagareskere raklya. Tsidindyas korkoro, zhala. Vwrvinela. Gelo kari gelo, inklyola leske ekh manush.

- Kay be, amala!
- Kay? Ka zhav ko thagar te ovav leske zhamutro!
- Tovav tukhe ekh amal?
- Mi, ha de!

Tsidindyas lesa. Kana, de, de, gelw karig gelw. A davka manush, kate amal achhilo, ekhe krachkate, Filibes ka zhala. Gelw karig gelw, hop, inklyola anglal lende ekh manush.

- Karig tsidindela?
- A-a-a? Amaro manush ka zhal ko thagar te achhyol leske zhamutro!
- Mi, te zhav li me tumentsa?
- Hayde, de!
- Mi toro zanayati, savo si?
- Moro zanayati si: chalavava katka ekh dumukh i shunava tsyala Bwlgariya, kon so horatinela.

- Bre! Mi, ha de!
- De, de. Hop, azhekh manush inklisto.
- Karig, ba?
  - Ami, zhava amalesa ko thagar te achhol leske zhamutro.
  - Mi, te zhav li me tumentsa?
  - Mi, ha de! To zanayati, savo si?
  - O-o-o! Mo zanayati? Mo zanayati si, kay piyava duy katses pani, hay duy filies hava maro, duy kazanya zumi.

Tsidindya akana e shtar zhene. Gelw karig gelw, hop, inklyola pala ekh zhenno.

- Karig, ba?
- Ami, dzhasa ake amaleske ko thagar tool leske dzhamutro.
- Te zhav li me tumentsa?
- Ami, hayde, de!

Tsidindyas. Panch zhene zhana.

- Ami, toro zanayati, savo si?
- Moro zanayati savo si? Pekhen ekh filiya andi yakh. Me ka nakhav